

虹庫第 冊 批

卷七千五百六

重錄 總 校 官 侍郎 高拱

學士 胡士家

分 校 官 編 修 王華恩

書 寫 沈 士 呂 以 瑞

國 監 生 呂 欽 河

孫 氏

永樂大典卷之七千五百十八

十八陽

倉

事韻

宋王君實臞軒集賀陳倉啓 輟從郎省出建度臺帝曰湖南九州之民
其生寡遠公為江左諸賢之望宜往周諏嶽后擁英蕩以前驅湘靈聞先
聲而起舞共惟某官道高而立於獨器厚而養以和學易通神三畫曾吞
於天上著書擬聖六丁屢下於人間雖場屋之文而金石可鑄自科第之
後而燈火不輟徘徊州縣綿歷歲時所至皆清而人推高在我者大而官
無小及時更化乃肯立朝鳴鐸壁流恍憶爐亭之舊橫經朱邱平分講幄
之功著庭凜直筆於秋霜省眼閱人才於冰鏡但從乎進立要路之津以
何難惟不苟因辭光範之門而徑去間有動色而咨惜誰能為王而留行
與其負納方鑿扞格於中孰若高牙大纛從容於外况在衡湘之地重哉
金穀之權屬弄印者踰時乃出綸而臨遣東南之方竭矣上下焦熬西北
之事紛然江湖唇齒為時一出寬上隱憂秦惟皆起廢之方攬轡即折衝
之畧必有偉舉以味群觀富貴浮雲圓方鍾之不屑蒼生霖雨非一道之

得松伏念某學古多拘與時寡合。比奉所庭之對。空臆盡言。不知書生之
路。轉喉觸諱。甘輸三萬而不悔。僅竊一命以進身。來傍蓮池。苟營菽水。始
仕曰筮。或者即初而覘終。事長必忠。焉敢以順而為正。才疎而意廣。位卑
而言高。不惟同列疾視其旁。甚至上官亦嫌其訐。所幸鄉先生之出使。得
稱門弟子以通名。諒蒙矜念於遺簪。必不與疑於投石。俾諧鍾釜之養。敢
昧丘山之恩。中人以下皆惡林宗。正不免耳。國士之遇如有智伯。尚庶幾
焉。又李倉啓。出綸閣。闔乘傳。蒸湘屏風錄良刺史之名。就陞英。豐安
與奉太夫人之養。增輝輜軒。部民舞手以交雕。屬吏舉杯而相賀。其惟某
官道高而立於獨。器厚而養以冲。鄉黨一篇之中。從容踐履。中庸千載之
學。出入誠明。雖場屋之文。而金石可鐫。自科第之後。而燈火不輟。徘徊州
縣。綿歷歲時。所至皆清。而人推高。在我者大。而官無小。及改絃而更化。乃
澤芴以立朝。不緣介紹而結眷。知肯事詭隨而同流俗。屬時有邊陲之警。
自許參謀。長捐出光範之門。了無靳色。早奏勲於泥水。旋坐嘯於衡陽。萬
然政聲。得之道路。宇民則催科盜拙。拊士則甘苦與同。思溺由溺。思飢由
飢。紅粟活萬人之命。曰陽而陽。曰雨而雨。蒼穹感一念之誠。以至延賓容
則北海之樽不空。待寮佐則南樓之興不淺。醉墨豪吞於星澗。新詩清迫

於雪車舞綠袖於興春遂祭端明使親之志鳴木鐸於石鼓尋朱紫陽講
道之盟。宣近世裕史之能為皆平日學力之小試。闕城時報人心直願借
留。因地建臺。天意曲為從欲。惟是歲荒民困川竭谷虛。公將以旄一州者
而惠九州。人亦以試前日者。而信今日還覲。而果可收乃賢相之道規。用
慍而年不饑。亦常平之始事。必遵家法。以寬帝憂。陰德無遠。耆壽合廷於
鵷髮清朝有命。宴詩將賀於龍津。伏念某學古多拘。與時寡偶。昔吐危言
而對策。以計見排。今持直道以事人。似狂未醒。才疎而意廣。位卑而言高。
幸甚於隣境之諸生。晚乃為崇臺之屬吏。先世同文靖之第一榜。得人賤
子。登元禮之門。通家有舊。倘軫薄雲之誼。冀沾雨露之私。事長必恭。侍侯
察父哲兄之教。將毋來論。願推仁人孝子之心。又徐倉啓。輟班郎省
掌委閩都公道。開閣方親鳳閣舍人之樣。邀前何韋驪迎輅軒使者之來。
歌飭墨卿晉干籤。帥共惟某官清凌冰柱。峻埒丰杓。去南州孺子於千垂。
典刑猶在。待慈湖先生之一派。傳校萊親。更閱理義之多。從容出處之際。
久於補外。晚乃立朝。繡映仙蓬。夜對青藜之杖。橫經玉邱。朝吟首蓿之盤。
發揮石室之秘。儲歆歷錦窠之清選。使其道之少收。則何官之不為。昌言
誇誇而不苟同。直節堂堂而難於進。仕之巧者。爭趨金張許史之門。公獨

凜然自詭召杜龔黃之政以安定之學淑于千里故蒼溪之業微于九重
果錫召琛垂登繁地不屑枉尋而苟合征特英蕩以遐征維時七聚之區
適當多事之日震疊搖撼者方定流離蕩析者未歸白紵債翔誰與終倉
於河內半盆集密殆幾為并於國中碩鼠不貪不除帶牛之習難革諒已
關於課度必可釋於顧憂然聖朝聽斷之方新諸老牽聯而嚮用有以中
書何無寇公為問者當以吾國即相司馬而答之磊砢喬松合作棟梁之
用芬芳汗竹要垂宇宙之名伏念某讀書不多諧世又寡砥廬校藝疎狂
貽怒於要官宗鄧橫經習懶見嘲於群弟撫壯心而猶在處運境而甚安
念昔為尹幕之遊幸嘗下宗師之拜曾謂強顏於冷席復從受察於崇臺
人情蹭蹬之何堪天使遭逢之甚巧提擢之以巨力教誨之以雅言庶乎
孤寒得所憑藉有三品筆誰無收名定價之思持一瓣香敢作嗟枯吹生
之想又回林監倉啓宸扆出綸帥藩司庾見者謂名卿之子肯此盤
旋今而後倉氏之官不為卑冗卑遲展慶倒置先施共惟某官胄子英游
情時偉望呼吸三山之秀氣發為詞源崔嵬雙闕之家聲不斷書種講聞
素宦之譜佩服教忠之言翩然斜飛來此小試蓋乘田有職雖素王猶屑
為之而治粟名官以國士亦嘗觀此毋輕出納可養經綸况當播揚之多

虞正倚積貯以爲命。自今紅腐必無年饑。用不足之憂不日綠縑趣奉獻。
入穀幾何之對有如某者見謂斐然。仰破屋以哦詩。嘔肝不悔。俯大廷而
對策。空臆盡言。收科輸鼎甲之三。壽入暮之雖囊之一。類比於江西訪芝
蘭之友。謂於門下爲瓜葛之親。略相先後以之官。或可牽連而記契。豈惟
暇日共觀郭侯三萬軸之藏。祇恐匪朝已預文子七十家之薦。林光朝樂
軒集代上廣西譚倉啓。劉竹東寧。勞敢辭於州縣。乘棧南海。庇幸託於
雲天。打雖無涯。依飯有自。恭以某官於臺。孕秀桂籍。斐聲學宇。璧水之盟。
權重燭水之奇。況法自更於蒼海。而利或擅於熬波。二廣不同。衆論紛起。
甲可乙否。言各有偏。兩路一司。事歸至當。惟多多而益辦。見恢復而有餘。
豈容五嶺之遙。久留旄節。倚聽九重之命。卽摧鉤衡。某歷次闕叨。素餐自
愧。書屢蒙於鶚薦。力索乏於鵬搏。叨錄六院之班。獲肩一麾之寵。顧茲融
水。蓋在邊陲。有夷徐之雜居。爰多保障。非山川之衝要。絕罕舟車。萬訟尤
煩。禮文不足。自知譾薄。莫與樞樞之議。仰賴忻懽。行拜綈袍之賜。王矣。雙溪
額葉賀趙倉啓。平糶惠民。願任皇華之肩。使疎榮將指執踰。等之懿
親。方析魚符。就頒龍節。先聲藉甚。輿誦藹然。某官體道。据中見幾。迪哲屬
尊。且近光周室之宗盟。政簡而寬。冠漢京之循吏。所以蓄儲於公望。不惟

撫字於侯藩。天空而日月自高。仰聖之繼照。本固而枝葉必茂。閱燕齒以
求賢。暫凝坐。肅之香。即攬按行之轡。八政先於足食。農末何優。六條顯以
察州。官曹皆肅。不待奏甘泉之計。即當陞文石之班。英困頓半生。艱危万
狀。只緣餬口。未免折腰。繭絲保障。不可以兩全。簿書期會。若何而逃責。一
官乃身之累。髮種種以凋殘。方間為庇之多。心搖搖而瞻邈。梅亭四六標
準。代回淮東。齊倉無啓。訢合守符。肅將使指。田里之無愁。恨厥績茂焉。
禮樂之有光華。此行寵矣。恭惟某官。八門具美。風調不群。溫恭維德之基。
於文無害。平易近民之政。所去見思。眷是榆邊。鬱然崇蔭。茲自天而出。時
不易地。而褰帷。淮水湯湯。式展澄清之志。周原膺膺。行觀勞來之功。某縻
迹於朝。莫面以賀。五雉之為工正。久已懷歸。四牡之勞使臣。別遲賢喜。
又代回湖南楊倉啓。九鼎顯陞。薄正。政責使華。國方貪賢。使服班行之
上。民允望賜。故資原隰之驅。畫繡分先。宵衣寬顧。恭惟某官。性資寬衆。材
具碩屬。觀其不辭州縣之勞。固知必為廊廟之器。兩著扞城之績。去則見
思。一罹枕塊之悲。毅然執禮。既畢祥琴之御。爰膺戎器之除。適是重湖。羊
鐵而用不足。加之諸洞。地大而孽易牙。欲其澄清。知所斂散。非輟寬闊。通
敏之士。難課還定安集之功。四牡載馳。萬物吐氣。突不黔席。不暖了無偷。

安避事之情。居有倉行有糧。會見節用愛人之學。某賀我選達人說斯暮
見吳山。有老大徒傷悲之感。曉行湘水。願功名留久遠之看。又代回淮
東陳倉孔明啓。抗辭請外。將指臨邛。明啓刑書。未覺承我之負。武道冠
虐。正觀使者之功。恭惟某官秉嚴而裏寬。人今而學古。孔懷同氣。蟬孰歎
於有綏。折獄片言。雀難欺於無角。適淮民之飢饉。勸周道之倭遲。側聞塞
帷。良多負機。栗塞其庾。斯成未乃取聞之勳。印弄於朝。行有無以易光之
命。某濫司飭化。莫贊光華。遣我雙魚。豈止加餐之字。駕彼四駱。請歌靡盬
之詩。又代回浙東王倉通啓。右翊合符。左畿易節。田里之無愁。恨畫
地共談。原隰之有光華。去天一握。恭惟某官。學為儒倡。政號吏師。出守晉
陵。適楚最之甚惡。獨明召教。救周民於牙遺。茲由畫戟之香。進席綉衣之
寵。公方念越人之瘠。加戚于心上。將思王某之文。最宜為誥。某比方謁入。
復辱書來。四牡之勞使臣。行且召矣。五雉之為工正。猶幸見之。唐士駐靈
巖。某通卓倉啓。伏以。仰切萬問之覆露。瞻望六條。俯憐一掾之塵埃。典
司玉職。顧小己豈敢弗勉。在大賢何所不容。依囑二天。勤奉尺情。恭惟某
官。閩山秀孕。漢傳派長。黃鍾大呂之洪貴。合登清廟。干將莫邪之利器。屢
解盤根。自高拔於儒科。雅橫蜚於臚仕。西山爽氣。一歸柱頰之英。南紀鴻

孩。兩顯宇民之效。怵然舉處。煥若褒嘉。入司路鼓之朝。戴正磐宗之薄。萬
 樞密勿。爰資策削之功。歷試盤還。更攬澄清之轡。報政五月。歸心百城。案
 帳凜凜。於古人不。繡亭亭於今日。摘茗裕國。而民不困。鑲廩平糶。而食有
 餘。初花大度之梅。繼錢揚瀾之鴈。鑄一牧之鼎。旁周紫萍。翠竹之珍。排九
 閩之雲。豈特李秋明堂之計。倍繁斗牛之域。行輝輔弼之騷。某不學。面墻
 問因竊食。春風棠舍。素知畫地。刻木之歲。朝日霜盤。恪守食藥。飲水之戒。
 坐閱暑寒之屢變。曾何毫髮之万分。水鏡在前。豈刻畫無塩之可掩。漢勃
 並蓄。庶濫胃吹芋之少安。夙聞登車握節之期。徒切望塵掃門之願。惟拜
 木拼金之伊適。徒瞻山仰斗之深深。彭止堂集上江倉傳倉啓。伏以歲
 惡及飢。官無委積。民貧待哺。地阻轉輸。偶聞隣邑之可依。敢以有司而不
 告。竊以杜倉之制。本蓄之村。墮近世以來。多飲之州家。每當給散之時。借
 有得運之費。然河內乏食。梁王猶盡移粟之心。晉國阻飢。藏氏亦有乏舟
 之役。盖方排百姓之不暇。豈復以異地而為疑。重念高安之吏。對懸居錦
 水之窮處。自辛卯而後。率三歲而一旱。故挈鏡之民。幾十空。而九空一或
 直於凶年。皆仰給於公上。嘗大計其粟。至費四萬餘斛之多。然遠取之州
 乃歷三十六陂之險。既已迴洄之不易。復當急漲之可虞。雖萬載之為都

與二邑而錯壤儲穀甚富至於陳陳乘流而來不昧信信自可推盈而株
之豈宜捨易而就難况令甲有移邪之文而仁人柄補助之政可懼煩黷
而不控陳恭惟某官學問不為空言器識足了大事平生有致君之念未
究毫分所至以愛民為先此亦梗槩不煩矯節能解倒垂某奉檄拯荒畢
力無術幸逢膚使無越人賦秦之心借以尺書希孟子發棠之念仰祈矜
恤俯尉彫瘵庶令屬邑之微官能布使臣之大惠清江三孔集孔平仲與
淮南周提倉啓叨被恩輝幸同封部屬以道途之役缺然問訊之儀方
冬向嚴所履何似共惟某官高材軼衆美利振民暫乘八使之車即捧十
行之召更祈保厚式副願瞻王與鈞愚藍縷某賀知東州樓憐士除江西
西倉劉子秋謹仲月風露凄清恭惟某官肅將王命有赫使華寵渥維
新清寧叶寶台候動止方福某謹熏沐編摩短削迎訕行軒併仲賀履之
悃仰祈炳亮某僭候箇憑具嚴右方報忘其蹟敢嗣請通日台用何似鈞
惟儒林領袖主盟斯文造物者方啓之以保人王家昭蘇群品則夫隨時
之大順養以正某願中禱焉某恭審出綈踰恩乘報領使任一道澄清之
寄總列城欽散之權上眷方隆輿情胥悅仰惟惟慶某郡條維繁無從綴
屬部吏效賢喜之誠不揆荒陋輒以儼語數述悃愫僅沐熏慈特賜派盼

豈勝幸甚。某恭以某官端粹之行。膺敏之材。其積學博而醇。其秉志剛以大。固宜從容表著。儀刑簪笏。論思獻納。以展布素器。持使者節。而惠綏一路。民以為小也。召駟星馳。遙歸天近。不夙則莫。某金璫以俟。某叢緹班列。獲侍道德之光。玉質金聲。盡祛凡陋。榮蒙迄今。竭來滋城。吏氣膠輅。雖高山仰止。不替尊瞻。而主書之府。曾無一字申瀾。殆若自棄於牆仞者。抱愧何以自文。所祈宥度有容。俯賜矜體。甚非才試。郡亦既數月。職業所在。固不敢不殫乃心。而五技易窮。固知依濟。幸會六轡鼎來。遂獲託身。照臨之下。覆護短拙。警飭庸陋。實惟惓惓之望。僭越有請。當淒而汗。某昔蹤端拜中。問崇閣珠星。璧月之輯。歌惟儲祥。賡祉時萬。時億。伏恐弊邑。應有要米。敢乞頒下。賀倉政湖南倉劄子。數盈良月。候屆小春。恭惟某官顯昇皇華。聿新紫泥。簡知采厚。穹博具襄。台候動止。萬福。某承乏偏城。幸密資於帡覆。揆誠尺積。聞調候於蠶曹。每辱謙撫。特貽損答。稍因紛休。頗致闊疎。其如斗維北。以尊瞻。水注東。而歸嚮。衷局難述。筆舌莫殫。某恭審命出。自天恩頒。易地建臺分治。久宣廉問之威。馳傳改轅。昭示赫陰之春。顧矣中於初令。諒震聳於先聲。恭惟某官道富經邦。學優用世。氣全溫厚。秀挺特於赤城。文擅波瀾。壯沸騰於滄海。自羽儀於蹕路。爰領袖於賢關。進列

奉常議聖朝之禮樂。出臨蕃屏。謁侯服之椅櫨。既奏民庸。宜游帝所。少緩金蓮之直。濟持玉節之雄。均極鐵而視田疇。勸農桑而移風俗。江西一道。已聞惠實之熟。湖外列城。復界庾司之寄。荆熊湘之佳部。軫龍辰之深衷。財阜民裕。雖少愁嘆。呻吟之意。事煩訟夥。式煩咨諏。採訪之公。權衡飲散之宜。水鏡澄清之舉。豈為重任。宜付通儒。埋張綱之輪。斃馬部內。持安世之牽行矣。朝端某。側聽新綸。第懷大惠。移三州之粟。初無待於有所損。互邑之租。更並許於騰奏。方少蘇於菜色。乃遽失於棠陰。曾是惟愉。翻成戀嫪。屬縻郡級。莫遂賓輝。抵循甲令之文。用畧麟耆之禮。元冥在序。寒氣漸加。冀參鼎饌之宜。訪蒞茵憑之御。亟須異數。垂叶前祈。某分不敢踰莫致。崇閑之承。訓刀當敬竭。願供弊邑之歡。需倍潤。是慚幹原有望。方秋崖集與趙都倉劉某。維暄風掩靄。春合翠蕙。國縻裕如。休有華閭。某往平戌。樓孤角之外。得並英遊。回首平山。柳色幾青。青矣。鈞閒耕寂。與世相忘。不知公子是監倉。實同此款。天落雲錦。字偕華星。存錄陳人。深有高誼。太阿出匣。剗兇斷犀。方事之殷。顧非陳陳相因之粟。莫濟屈為倉庾氏。聊欲小試。轉運使材耶。式邁褒綸。允移食賜。又答趙都倉劉某。伏以稻雨霽然。生意蘇醒。共惟有實其積。國以裕如。某不聞問。又幾何時矣。暑氣之酷。

筆墨爲仇。有書翩翩。愧汗如洗。如某不學。列屬三雍。堂下老槐。當有恨色。
執事者不相鍼砭。素之何其以賀也。登畿想亦非晚。廢綸趣入。豈必三年
之淹。所幾佳御。釋秋金玉以袂。唐王昌齡送郭司倉詩。映門淮水綠。
留騎主人心。明月隨良掾。春潮夜夜深。錢起贈隣居齊六司倉。沈冥
衆所遺。咫尺絕佳期。始覺衙門下。悠然太古時。鷄聲共林巷。燭影隔茅茨。
坐惜牛羊還。芳蓀白露滋。岑參送許員外江外置常平倉。詔置海陵
倉。朝推畫省郎。還家錦服貴。出使繡衣香。水驛風催觴。江樓月透床。仍懷
陸氏橋。歸獻老親嘗。方玄英寄普州司倉賈島。亂山重復疊。何路訪
先生。豈料多才者。空垂不世名。一作思歸應病成。普孫我先主。荒氣終不
散。嘉言徒擅名。開曹猶得罪。薄俸亦勝耕。莫問吟詩石。年年芳草平。姚
合寄賈島時任普州司倉。長沙事可悲。普掾罪誰知。千載人空盡。一作
老一家寃不移。冷寒應齒落。才峭自名垂。地遠山重疊。難傳相憶詞。高
常侍詩。單父逢鄧司倉。覆倉庫。因而有贈。邦牧今坐嘯。群賢趨紀綱。四
人忽不擾。耕者遙相望。粲粲府中妙。授詞如履霜。炎英伏熱時。草木無晶
光。匹馬度睢水。清風何激揚。校緡閑節藏。發廩忻斯箱。邂逅得相逢。歡言
至夕陽。開襟自公餘。載酒登琴堂。舉杯挹山川。寓目窮毫芒。白鳥向田盡。

青蟬歸路長。醉中不惜別。况乃正遊梁。劉文房額川留別司倉李萬
秋人早負干將器。誰言未展平生意。想君疇昔高步時。肯料如今折腰事。
且知投刃皆若虛。日揮衆賔常有餘。槐暗公門趨小吏。荷香陂水贈鱸魚。
客裏相逢疑話深。如何歧路剝霑襟。白雲西上催歸念。潁水東流是別心。
落日征騾隨去塵。含情揮手背城闌。已恨良時空此別。不堪秋草更愁人。
睢陽贈李司倉。白露變時候。荃聲暮秋歎。飄飄洛陽客。惆悵梁園秋。只
為乏生計。爾來成遠遊。一身不家食。萬事從人求。且喜接餘論。足堪資小
留。寒城落日後。砧杵令人愁。歸路歲時盡。長河朝夕流。非君深意願。誰復
能相憂。宋黃山谷寄尉氏倉官王仲弓。嘯臺有佳人。玄髮鑑井項。袁
守記。此篇臺在開封府。陳留縣東南。指每並名賢。胡豹長謂全此。左傳曰。
昔有司氏女。生驚雲而惡美。尤可以鑑名曰玄髮。樂正后夔取之。列子曰。
玉城眉鏡井項。登高歌一曲。聽者傾城市。漢書李夫人傳。李延平歌曰。北
方有佳人。絕世而獨立。一顧傾人城。再顧傾人國。門無行媒迹。草本倚焦
悴。後曰。男女非有行媒。不相知名。老杜詩。絕代有佳人。幽居在空谷。自云
良家子。零落依草木。人云。天寒翠袖薄。日暮倚修竹。史記屈原傳。顏色憔悴。
人物方眇然。誰能委主弊。王表之帖曰。蔡公遠委萬深。可是當今人物。

渺然。而艱疾若此。令人短氣。左傳曰。野徐吾犯之妹矣。公孫楚聘之矣。公孫黑又使強委禽焉。晉禮志。太康八年。有司奏太姬古者以皮馬為足實天子加以較者。諸侯加以大璫。漢書大帶。詔曰。朕獲執轡。壯壯臂。此借用其義。曹平呈江西倉使汪太杜二首。兩朝多侍從。四海一端明。與上闕皇極于今亭太平。芝蘭連砌茁。鴻鴈判天鳴。父子同休少。公家更弟兄。乾道群充賦。尚書獨主盟。當今賢使者。似我老先生。湛菴追隨念。韓門顧盼情。相逢談不了。敢更以詩鳴。僧北磬詩別孫都倉。節制作賊利。悠然見設施。工夫雖自小。鼎鼎却相宜。盟鷺鵬同適。及瓜梅未知。有書聞孝父。為致別時思。林布逸竹溪。集送嶺口倉李高允用。復村韻。仕能優。即學。豈必為貧驅。翁有三珠樹。宛如千里駒。敏知才脫穎。慈是德充符。溫戶彫殘甚。殷勤為掖扶。甌戶年年減。苛征可奈何。給符催起火。輸賦仰晴波。民困官難察。允賢政必和。雖云網有本。久例剋除多。再和送嶺口倉李高允二首。此客焚波去。初程宿暑驅。名家真感穴。內院侍龍駒。臺自催征課。官惟守信符。少留翁必在。溫國要康扶。盡職隨高下。吾無問孰何。留看烹玉雪。入對羅金波。任大鹽中舉。官卑柳下和。當徐須割目。人孰故人多。高耻堂存葉。次題明己表弟韻。送劉長翁赴福建倉。玉皇拔

西珍金節撫南服。雄校摺荒陬。祥飈扇寒谷。長孺振河內。相如諭巴蜀。雖
昔垂鴻名。于今躡遐躅。墨夫踟一迹。赤子懸万目。周原重華造。漢庭愜刺
屬。樓梁飽群鴻。復陂歌兩鵝。欽哉使指將。保爾民命續。寧虛獨坐三。與布
寬條六。豈伊於粵陋。獨占京東福。蓋朝翠雲裏。重佩水蒼玉。危枰活枯槩。
豚浪安巨舳。偶登朝廷尊。賢聚功化速。匪惟密親顧。茲謂蒼生祝。攀援駟
馬車。惆悵靡駒曲。音塵慰寂茂。炯介在明淑。贈言希古人。陳義詭流俗。謹
母千倉素。惟先百姓足。道學振考亭。文風傾嶽麓。庶幾七閩人。勿替千襦
蕭。張鑑湖南集次韻酬陳伯治監倉小築才成賜也牆傳家那是釣徒
張非求世上人。看奸但要閭中句。律昌成陣游條波尚暖。打閤飛蝶菊初
荒。隣翁莫厭顙相遇。會見橫翔入未央。簡陳監倉二首 自到南湖月
鄰翁識長方。一官甘寂寞。萬事絕思量。疎見抵緣嬾。頻來政不妨。松林潭
似舊。相伴踞胡床。因病詩全少。春中忽夏深。清幽百畝地。安靜六時心。
樹茂晴方好。荷新雨未禁。泥乾容復月。閑步酒隨斟。雜沓淵泉集。次韻趙
監倉 是中能娛人。豈為杯酒留。不知我何求。當復醉扶頭。翩翩佳公子。
臨風仲宣樓。月滿乃如此。對君可言愁。鄒道鄉送幼安赴澶倉 人生
本逆旅。行止良悠悠。試看廉莊上。輟跡多成溝。公子分閑戶。時來亦何由。

載書曉邁邁。春令方如秋。河濱古城府。稅鞅聊優游。青雲捷徑在。民庾非
君優。臧孫故有傳。新新承風流。胡為重作惡。日暮猶登樓。王禹偁贈呂
通秘丞楚州監倉。聞君公事苦喧早。紅粟堆邊獨歛眉。已有朝行翻掌
庾。未知幾尉且吟詩。君前仕後殊堪嘆。頭笑傲同張祐。市裏優游北路隨。唯
有才名藏不得。山陽留滯肯多時。韓元吉南澗集送陸務觀福建提倉
航船相對百分空。京口追隨一夢中。落紙雲煙君似舊。盈巾霜雪我成翁。
春來茗葉還爭白。臘近梅梢儘破紅。嶺嶺山須妙語。少近使節上凌風。
僕為建安軍作凌風亭。劉後村集答傅監倉。少豪頗似括談兵。老去方
懸理未明。窓下殘書千遍讀。卷中一字幾回更。操觚人盡嗤吾拙。歎血誰
當豫此盟。肯啖菜根抄脫粟。許君十載共經營。王君實耀軒集懷蔣刀父
監倉。冰結長江少躍鱗。天寒不見鴈來賓。翻雲覆雨差餘子。霽月光風
憶苦人。丹穴鵠鵬行錄瑞。北堂燕喜倍生春。萬金消息何時到。一洗胃中
萬斛塵。方秋產集次韻鄭省倉見寄。倦客京華鬢已疎。詩顏草聖了無
餘。別離菊酒纔秋晚。派落椒盤忽歲除。東閣士應羞會伍。北山人有絕秦
書。草廬十具牛如辦。却是求田勝本初。老平夢不到歌妓。一笑離尊孰
與娛。歲事沉沉江上月。時情汎汎水中鳧。路貧如此誰來往。山意於人定